

Missiva de Salamanca

TRACTATUS
DE STUDIO
CONCILIORUM
St. S. Fran^{co} EORUMQUE *Forcada*
COLLECTIONIBUS,

AUCTORE

FRANCISCO SALMONIO
DOCTORE AC BIBLIOTHECARIO
Sorbonæ Parisiensis.

EDITIO PRIMA LATINA:

QUE NUNC PRIMUM ACCESSIT
EPITOME VII. PONTIFICUM ROMANORUM, ET SERIES
CRONOLOGICA, PER CENTURIAS DISPOSITA,
CONCILIORUM.



VENETIIS,
EX TYPOGRAPHIA BALLEONIANA.
MDCCLXIV.

Superiorum Permissu, ac Privilegiis.




AD INTRODUCTIONEM CRITICAM

In Concil. eorumque Collectiones.

P R Æ F A T I O.



AD veram Ecclesiasticæ eruditionis laudem contendenti nemo per hæc tempora melius fortasse consuluit, quam Franciscus Salmon, Parisiensis Sorbonæ Doctor & Bibliothecarius, edico hoc de Conciliis Tractatu, sive, ut doctissimi Lipsienses inscribunt, *Introductione Critica in Concilia eorumque Collectiones*. Ac Mabillonius quidem ad studia Monastica ritè instituenda, Lamius ad rectè intelligendam Sacram Scripturam, Bonaventura d'Argonne, Carthusianorum S. Juliani Rothomagensis Vicarius, ad Ecclesiæ Patrum Doctorumque scripta multa cum utilitate legenda, introductiones dederunt: nemo vero adhuc inventus est, qui id ipsum præstaret erga Concilia; quod tamèn & ipsius argumenti dignitas, & res præsertim tenebris undique difficultatibusque circumseptæ jamdiu requirere videbatur. Nullæ enim usque tunc extiterunt Conciliorum collectiones, nisi vulgates; nulla compendia, nisi trita & communia: ac, si quæ deinde novæ prodierunt, ex non ad severissimas artis criticæ regulas, sed ad Auctoris quæque sui ingenium elaboratæ, dubia subinde, obscura, falsa, magna rerum confusione, legentibus exhibent. Hæc secum ipse reputans doctissimus Salmon studuit tot malis & incommodis remedium aliquod afferre, & qua majore potuit industria diligentiaque contendit, ut in posterum perfecta, numerisque omnibus, si fieri posset, absoluta, ad Ecclesiasticorum commodum, Ecclesiæque utilitatem, Conciliorum Collectio prodiret. Arduum sane Opus, atque adeo immensum suscepit: sed ipsius operis ratio breviter quasi per compendium descripta satis ostendit, quam strenue naviterque, quod sibi proposuerat, clarissimus vir absolverit. Nam, toto Opere in tres partes distributo, prima continet tum generalem, tum particularem Conciliorum utilitatem, sive dogma, sive mores, sive disciplinam, sive historiam, præsertim Ecclesiasticam, respicias. Habes in hæc Conciliorum OEcumenicorum, uti vocant, *infallibilitatem*, ex perpetua neque unquam interrupta consuetudine, quæ ab Apostolis primum profecta & inducta, tot deinceps exemplis confirmata fuit. Vides, initio plura in Græcia, primisque Ecclesiæ sæculis fuisse celebrata Concilia, quam in Occidente; & intelligis, inde plerumque afflictam quassatamque Ecclesiam vires animamque sumpsisse. Nam veneratio quoniamvis Conciliorum Canonibus perpetuo habita, etiam in Oriente, satis se prodit in Collectionibus, quæ magna cura confectæ, majore etiam studio & diligentia conservatæ fuerunt, ut egregie Auctor noster contendit contra eos, qui Conciliorum auctoritatem oppugnant. Qui enim dubites de veritate rerum, quas continent, cum & Acta & Canones habeas, tales omnino, quales in hæc convenibus conditi firmatique fuerunt? Quod si



INTRODUCTIO CRITICA IN CONCILIA, EORUMQUE COLLECTIONES

In Tres Partes divisa.

PROOEMIUM.

DE OPERIS PROPOSITO ET UTILITATE.



UAMQUAM ea semper omnibus sententia fuit, in Conciliorum doctrinam summo studio incumbendum, is esse, qui scire præcipua velint ad Religionis nostræ Dogmata, & Mores, ac Disciplinam spectantia, atque ipsum, ut ita dicant, Ecclesiæ spiritum intelligere, non optima tamen semper, ut erat optandum, ratio ac methodus in studio tam necessario videtur esse instituta. Plerique scilicet satis sibi esse rati locupletissimos fontes obiter tantum, & ubi præsens

usus poscit, adire, ad Conciliorum monumenta tum solum confugere consueverunt, ubi de veritate quæpiam demonstranda, & quæpiam confutanda hæresi satagunt, sive ubi quod Ecclesiæ regimen, qui fidelium mores quoque sæculo fuerint, inquirunt, sive quamdam altam expendunt historiam, cui lumen inde possit afferri. At qui integram Conciliorum doctrinam ordine ac methodo sint meditari, Acta eorum omnia perpenderit, de archetypis exemplatibus, unde illa desumpta sunt, inquisierint, varias MSS. Codicum lectiones inter se diligenter contulerint, quæque ex illis habenda sint genuina, disiudicaverint, pauci admodum extiterunt.

Neque vero plures aut in Interpretationibus ad exemplarium, quibus illæ apponuntur, trutinam revocandis, aut in iis, quæ ad chronologiam, & Geographiam pertinent, præcipue vero Episcoporum, Episcopatum, urbium, cæterorumque locorum nominibus, quorum in Conciliis mentio fit, illustrandis operam suam collocarunt: Saltem præcipuas, quæ sæpe in illis occurrunt, difficultates suis explicare Commentariis perpauci Scriptores aggressi sunt, aut ea publici juris facere neglexerunt; hac tota videlicet Collectoribus Conciliorum relicta sparta, & in eorum fide & diligentia singulis acquiescentibus.

Plurimæ sane extant istiusmodi Collectiones, sed vitis unaquæque laborat animadversione dignis: tantum abest, ut ulla numeris omnibus absoluta censeferi queat. Opus est hoc adeo magnum atque arduum, & ad id perficiendum tot ac tanta collecta in unum desiderantur, ut Collectoribus ipsi sua vitia notari, minime grave futurum sit. Viris itaque, qui in Conciliis colligendis infudarunt, doctissimis quidem, nec sua laude privandis nullam me fa-